

## 2002-mi takornariat ikinnerupput

### Takornariat 2001-imut naleqqiullugu 9,9 procentimik apparjarput

2001-imiit 2002-  
muttakornariat 9,9 pct-imik  
apparjaateqarput

Kalaallit Nunaat 2002-mi takornarianit 29.366-inik tikinneqarsimavoq, 2001-milu takornariat 32.598-iusimallutik, procentinngorlugu 9,9 procentimik apparjarput.

**”2002-mi kvartalit sisamaanni timmisartumik ilaasut pillugit kisitsisitigut paasisutissani”** Naatsorsueqqissaartarfiup nittargaani [www.statgreen.gl](http://www.statgreen.gl)-imi qanittukut saqqummertumi tamanna ersepoq. Takornariat ikiliartorsimanerat 2002-mi akunnittarfinni unnuisut pillugit kisitsisitigut takussutissiani ukiup siusinnerusuani saqqummersumi uppersarneqarpoq. Tassani ersepoq 2002-mi unnuisut 2001-imut sanilliullugu 6,2 pct.-imik apparjarsimasut.

Nunap immikkoortuini  
assigiinngissutit

Takornariat Kujataanut Qeqqanullu tikittartut marluungaagata aappaa niuernermut sulinermulluunniit tunngatillugu angalasuusarpoq. Qeqertarsuup Tunua takornarianit ilinniarnerminnut atatillugu nunatsinnut paasisassarsiortunit tikinneqarnerpaasarpoq (11,2 pct.). Avannaanut takornariat sulinngiffeqarnerminnut atatillugu tikeraartartut 6,2 pct.-iinaapput, taamaalilluni nunap immikkoortuiunut allanut sanilliullugu appasinnerulluni. Tunu ilaangilaq, tamanna pissuteqarpoq Naatsorsueqqissaartarfik nunap immikkoortuaninngaanniit paasisutissanik tutsuiginartunik tigusaqarsimanginnera.

Tabel 1. 2002-mi takornariat nunap imm. angalanerullu siunertaanut agguataarneri, pct.

	Nunap immikkoortui			
	Kujataa	Qeqqa	Qeq. Tunua	Avannaa
<b>Katillugit</b>	<b>100,0</b>	<b>100,0</b>	<b>100,0</b>	<b>100,0</b>
Niuernermut sulinermullu atat. angalanerit	52,7	53,1	37,3	43,8
Sulinngiffeqarneq	20,3	15,9	23,9	6,3
Ilaquttanut tikeraarneq	24,3	19,1	22,4	25,0
Ilinniariartorneq	2,7	1,9	11,2	6,3
Ataatsimiinnerit (pikkorissarneq)	0,0	1,6	1,5	0,0
Allat	0,0	8,3	3,7	18,8
Nalunaarutigineqanngitsut	0,0	0,0	0,0	0,0

Takornariani danskit  
amerlanerupput

Takornariat 86 procentii Danmarkimeersuupput. 2001-imut sanilliullugu tamanna qaffarialaarneruvoq, ukioq taanna qallunaat takornariat 83,9 procentiupput

2002-mi takornariat nunatsinnut marluungaagata tamatigungajak aappaa sulinngiffeqarlutik tikeraartuusarpoq, sisamaagaangatalu ataaseq niuernermut sulinermut atatillugu angalasuusarluni. Takornariat sisamaagaangata pingasut ullut 15-nit inorlugit nunatsinniissimasarput. Takornariat tallimaagaangata marluk 50-it sinnerlugit ukioqartarput.

*pdf-fil-itut...* Saqqummersitaq pdf-filitut Naatsorsueqqissaartarfiup nittartagaani [www. statgreen. gl](http://www.statgreen.gl)-imi pissarsiarineqarsinnaavoq.

*e-mailikkut  
allagarsisinneqartalerit* Naatsorsueqqissaartarfiup nittartagaani kisitsisitigut paasissutissanik nutaanik tamanut saqqummiunneqartartunik siunissami paasissutissinneqartalerumaguit, qarasaasiakkut nutaarsiassanik pissarsialernissannut ilanngunneqarsinnaavutit: [www.statgreen.gl](http://www.statgreen.gl) toqqaruk. Naqittakkami saamiatungaaniittumi „nyhedsbrev“ toqqaruk ilanngunneqarlutillu. Taamaalillutik siunissami kisitsisitigut paasissutissanik nutaanik tamanut saqqummersitsigaangatta e-mailikkut allagarsisinneqartalissaatit.

Sukumiinerusunik paasissutissinneqartalerumaguit kisitsisitigut paasissutissiisarneq pillugu siunnersortimut Elvira Knudsen, tlf. 34 55 77-imut (toqqaannartoq) imaluunniit tusagassiortumut Thorkild Knudsenimut, tlf. 34 55 85-imut (toqqaannartoq) saaffiginnissinnaavutit.

Med venlig hilsen

Med venlig hilsen  
Thorkild Knudsen